

Phatlalatso ya boqolotsi ba ditaba e mabapi le African Global Holding

Tshwane, 19 Motsheanong 2023 - Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter o ananetse qeto ya Lekgotla la Molao wa Motheo ya la 17 Motsheanong 2023 ho qhelela ka thoko kopo ya ho ipiletsa ya African Global Holding (Pty) Ltd (AGH ho Lekgotla le Phahameng la Maipiletso.

Taba ena e bakilwe ke qeto ya Lekgotla le Phahameng la Maipiletso moo e ileng ya dumellana le boipiletso ba ba fetolelang thepa tjheleteng le bareki ba thepa, eo pejana e neng e hanana le qeto ya pejana ya Lekgotla le Phahameng ya ho behella ka thoko ho fantiswa ha thepa ya AGH. Ho hlokomelwe hore ho ne ho se ho na le boipiletso bo bong kgahlano le qeto ya ho se behe khampani ena hore e be motjheng wa ho pholoswa ho ya ka tsa kgwebo.

Lekgotla le Phahameng la Maipiletso le ile la qhelela ka thoko qeto ya Lekgotla le Phahameng e neng e behella ka thoko fantisi ena empa la dumellana le qeto ya ho hana kopo e mabapi le ho pholoswa ho ya ka tsa kgwebo. Kopo ya ho ipiletsa kgahlano le qeto ya Lekgotla la Molao wa Motheo e ile ya hanwa ke Lekgotla la Molao wa Motheo ka lebaka la hore ditaba tsena di ne di se bonamong ba taolo ya molao ya lekgotla.

Khomishenaraya SARS o hlahistse hore o na le tshepo ya hore ho hanwa ha ho mamelwa ha boipiletso bo bong, jwale bo dumella motjha wa ho fetolelwa ha thepa ya khampani tjheleteng, ho tswela pele ka potlako le molemong wa bohle ba kolotuwang ho akareditswe le SARS.

Ho fumana lesedi le fetang lena, ka kopo ikopanye le SARSMedia@sars.gov.za